

Usvajanje zakona o obrazovanju predstavlja korak naprijed



Jučerašnje usvajanje dva zakona o obrazovanju, na koje se već dugo čekalo, u okviru Zastupničkog doma Parlamentarne skupštine Bosne i Hercegovine predstavlja korak naprijed u području koje je od temeljnog značaja za budućnost ove zemlje, a posebno za mlađu generaciju.

Okvirni zakon o visokom obrazovanju u BiH i Zakon o Agenciji za predškolsko, osnovno i srednješkolsko obrazovanje će osigurati značajne šanse za poboljšanje standarda obrazovanja u cijeloj Bosni i Hercegovini.

Dom naroda bi stoga trebao što žurnije usvojiti ove zakone kako bi bila osigurana njihova što skorija provedba. Moguće je da u budućnosti bude potrebno usvojiti daljnja poboljšanja ovih zakona. Međutim, usvajanje ovih zakona sada predstavlja prioritet kako bi se moglo započeti s promjenama.

Zakon o visokom obrazovanju će omogućiti bolju mobilnost studenata i profesora, kao i priznavanje fakultetskih diploma i akademskih zvanja u okviru europskog područja visokog obrazovanja. Zakon bi trebao poboljšati šanse za zapošljavanje mladih ljudi s fakultetskim diplomama u Bosni i Hercegovini i potaknuti sveučilišta da rade na otvoreniji, transparentniji i učinkovitiji način.